

NOVELA REY DI CONTRABANDO

CAPITULO 15

Cu un movecion corto y imperativo di su man, el a indica e aviador pa e keda sinta, mientras el mes a cana drenta mas leuw den e cuarto. Entre dos bentana grandi dilanti di cual cortinanan tabata baha, e dama a keda para y a keda waak ansiosamente. Ora el a cuminza papia, Dan a reconoce e voz cu el a tende door di telefon e dia anterior. Su sanger a subi pa su cabez, ora el a corda con el a contesta e muher na telefon.

--Mi por imagina, cu lo bo tin masha tanto deseo di sabi, pakico mi a manda yama bo aki awenochi.-- Wowonan di Dan Coolidge a keda fiha ariba e revolver cu e mucha muher tabata tin den su man. El calcula cu ainda e mucha muher no tabata tin 30 aña, y el tabata puntra su mes, ta ki papel esaki por ta hunga den e sucesonan misterioso cu a tuma lugar durante ultimo dianan den bida di Dan Coolidge y su compañeronan.

--Mi no por nenga cu en berdad ta asina, Señorita,-- el a contesta. --Bo por yama mi Marcia,-- e mucha muher a bisa cu un voz frio. --Mi nomber berdadero no ta interesabo.-- Señorita Marcia,-- Dan a cuminza, pero el no a logra caba e frase. Poco-poco e tabata sinti cu e tabata birando mas calmo.

--Na promer lugar mi sincero pa perdida di boso aeroplano; seguramente ta un perdida grandi pa bo y bo compañeronan.-- Tabata parece Dan, manera cos cu el tabata mira un sonrisa indiferente ariba lipnan di e mucha muher. Dan a sinti manera cu e mucha muher ta tene'le pa loco. Cu un movecion impaciente el a lanta su manga di bachi y a waak su oloshi. --Señorita Marcia, mita spera cu lo bo tin e bondad di bisami pakico bo a laga yama mi?-- el a bisa. --Mi tin masha poco tempo,y.....-- E dama a halza su man robez cu un movecion imperativo. --Pa Marcia tur hende tin tempo,-- el a replica asina poco-poco cu Dan casi no por a tende. --Naturalmente mi sabi cu e dos compañeronan di bo ta sinta den un cantina na skina di Avenida Rey Jorge ta warda bo, pa bin duna bo ayuda si bo no bolbe despues di un tempo determina.--

E dama a tira un bista masha significativo ariba e revolver y a continua: --Mi tabata spera bo bisa caba cu bo tin pura. Ta duel mi di mester bisa bo cu bo mester keda tende tur loque mi tin di bisa bo. Mi por bisa bo en adelante cu bo compañeronan no mester tin miedo pasobra nada lo pasabo, y lo bo bolbe serca nan sano y salvo.-- --Esey si ta haci mi algo mas tranqui, señorita Marcia.-- Dan a contesta cu un tono cinico. --Mihor bo stop di papia asina cu mi,-- e mucha muher a bisa. --E asunto cu mi ta bay papia cu bo ta un asunto serio. Mi ta pidi bo sea asina bon di scucha tur loque mi ta bay bisa bo.--

Dan no a contesta. Sin pone atencion ariba e arma den man di e mucha muher el a saca un cigarra for di su saco, y a sende'le. El a ripara un expresion serio ariba cara di e mucha muher ora el a tira e lucifer sendi ariba e tapijt bunita. --Bo mester haci un viaje pa Australia pa nos. Nos lo paga bo, y cada uno di bo dos compañeronan cinco mil dolar.-- Dan a halza su cara babuca. Un viaje pa Australia -- Cinco mil dolar pa cada uno -- esey na notal no ta un suma cu por worde desprecia Pakico suerte no a laga e oferta aki yega un pco promer?

e ta continua mañan.....

ORGANIZACION NOBO DI POLIS PA ARUBA NO TIN MUCHO CAMBIO

Segun Inspector Peterson

ORANJESTAD(AAN)-- Durante e conferencia di prensa ayera tardi relaciona cu entrega di e rapport Cuerpo Policial 1986, Inspector di Polis Sr. Roland Peterson a duna un splicacion ariba e estructura di polis pa futuro y relata cune un splicacion ariba aspectonan di persona.

Sr. Peterson a cuminza na splica con e organizacion di cuerpo policial lo ta na futuro.

Lo tin cambio pero no hopi, compara cu e organizacion actual. Deseo di polis tabata pa no cambia e organizacion actual mucho, pasobra lo por tin diferente aspecto cu lo por bira dificil.

Den e organizacion nobo di cuerpo policial lo tin na cabez un comisario manera ta actualmente, pero banda di dje, un staf y corpschef.

E school di polis lo keda bao di encargo di e korpschef.

E departamento di asuntonan general lo haya sub departamentonan Centrale Politie Administratie, Technische Dienst en Communicatie, y Opbeiding en Werving cu tin caba den e organizacion actualmente y cu ta keda mescos cu e ta.

Den departamento di polis uniforma, tin e sub departamento trafico, cu ta dividi den seccion di desgracianan, planologia, informacion, investigacion tecnico di maneho di vehiculo, transportation publico y joyriding, verkeerssurveillance.

E sub departamento surveillance, tin bao di dje e centrale post manera e ta awor aki, un seccion surveillance dienst Oranjestad, seccion San Nicolas y seccion pa distritonan afo. Esaki ta un di e partinan nobo cu ta drenta den e organizacion esta e sectie surveillance dienst buitendistricten cu lo cubri post Noord, Sta. Cruz, Savaneta y ta bini un post Strandpo-

litie pa desarrollo ariba beachnan y den futuro pa duna servicio mihor na pueblo.

E departamento di polis justicial y migracion, tin bao di dje e sub departamento, Polis Justicial y sub departamento migracion.

Bao di justiciele politie tin sectie justiciele politie Oranjestad, San Nicolas, Kinder en Zeden Politie, Technische Opsporingsdienst, sectie Bijzondere Verordeningen y sectie Verdovende middelen.

Esakinan ta locual tin awor aki sin cambio.

Tin un cambio den e sub departamento di Migracion.

Aki un inspector lo bini na cabez. Lo bini un seccion Vreemdelingenpolitie Luchthave, y un seccion Oranjestad. Bao di e seccion Oranjestad, ta cay Bureau Opsporing y Bureau Haven en Loodsdienst.

Inspector Peterson a splica cu un inventarizacion a ser haci di e aspectonan di personal, esta di e total cu tin awor aki y e cantidad cu mester tin den futuro.

POLIS

Cont. di pag. 13

to e mester wordo duna directamente na alto mando policial y si ta posibel por escrito.

Polis conoce un "interne code" den caso cu un menor di edad wordo treci warda di polis, polis mester avisa e mayornan pa nan bin busca e menor di edad.

Uso di arma di polis entre otro klop, ta reglamentado. Cu otro palabra no ta sin mas polis mag di usa arma contra un ciudadano. Tur hende cu ta haya cu el a haya un trato incorrecto di banda di polis por entrega keho na alto mando policial of na officier van justitie, fiscal.

Segun Sr. Peterson, polisnan sa haya castigo disciplinario pa motibo cu no a mantene nan mes na e reglanan stipula sin cu pueblo ta haya sa.

Encuanto actividadnan pa y door di juvennan,

polis ta dispuesto pa cooperar pero ta recorda pa tur actividad cu un caracter publico mester pidi permiso, vergunning, 2 siman adelanta.

Esaki por sosode facilmente por escrito, y ta costa solamente un florin. Por obtene informacion con pa pidi vergunning na warda di polis.

Na final di e conversacion polis y e comision di mayornan a conclui cu e problema di juvennan ta un problema di henter e comunidad. Y cu ta necesario pa henter comunidad muestra comprension y yuda alivia e situacion.

E comision di mayornan lo sigui cu su tareanan pa informa juventud y mayornan. Ta intencion di e comision pa pronto organisa un encuentro cu e juvennan. Informacion por ser haya serca Lupita Gil na 25037.

BARATILLO ANNIVERSARY SALE BARATILLO

En connection cu Celebracion di nos promer lustro

GIOVANNI'S


Ta ofrece un TREMENDO BARATILLO riba tur articulo den stock.

E descuento aki lo ta di 30o/o

Haci nos un bishita y convense bo mes cu esaki si ta un BARATILLO

E Baratillo ta dia 22 y 23 di maart 1985

Nos tin tur articulo pa cas.



GIOVANNI'S

Santa Cruz 324 - Tel: 28390